

欽定大清會典事例

欽定大清會典事例卷四百三十九

禮部

中祀

祭

先農
先蠶

直省祭
浙江省祭

先農壇
先蠶壇

饗

先農○順治十一年定歲仲春亥日凡恭遇

皇帝躬行耕藉禮先期戶部禮部堂官偕順天府尹
進耕藉耒耜及種種種屆期以太牢饗

先農之神行三獻禮飲福受胙禮成乃

躬耕藉田○十二年題准每年春二月致祭

先農遣順天府尹行禮大興宛平二縣官陪祀○康

熙十一年二月

聖祖仁皇帝行耕耤禮饗

先農壇前期遣官祇告

奉先殿一應禮儀與順治十一年同。○雍正元年奉

旨。明歲先農壇耕耤之禮。朕理當親行。凡一應修理之

處。即行豫備。○二年二月。

世宗憲皇帝行耕耤禮饗

先農壇禮儀與康熙十一年同。○三年奉

旨。今歲朕仍親耕耤田。謹案是年致祭農壇禮儀與二年同。先○四年

奉

旨。朕今歲親耕藉田。著禮部豫備。謹案自是年後每年耕藉皆

先農壇禮。○七年

諭。明年祭

先農壇。朕詣

太歲殿上香。不必請

神牌。○乾隆四年議准。

先農壇飲福受胙禮。照

日壇

月壇之例。不必別設拜褥。光祿寺堂官恭奉至行禮

處。

皇帝跪受與

帝王廟飲福受胙禮同。○五年奏耕藉之期正值閏
歲春寒應請遣官致祭

先農其耕藉之禮令順天府尹照直省督撫例辦理
奉

旨致祭

先農壇著遣親王恭代行禮餘依議。○八年

諭向來

先農壇親祭始用中和韶樂遣官則同小祀之例不
用中和韶樂案

日

月壇中祀。雖遣官仍用中和韶樂。惟不飲福受胙。朕思國家之大事在農。

先農壇在中祀之列。此次遣親王恭代。即著照

日

月壇之例。用中和韶樂。永著為令。○三十七年二月。高宗純皇帝行耕藉禮。饗

先農壇。是日。

御禮輪自外北天門入內北天門。循

太歲殿後轉至

壇東北隅降輿詣

壇行禮禮成仍於降輿處

御禮轎詣

太歲殿上香。○四十年定致祭

先農壇向由禮部具題嗣後改歸太常寺於二月內

以

親詣行禮或遣官恭代雙請繕本具題。○五十年

諭此次致祭

先農壇舉行耕藉朕自揣精力康強尚能躬舉三推
所有應行事宜著各該衙門照例敬謹豫備候朕親

詣行禮。○是年致祭前期一日。

閱視祝版耕耜器具穀種奉

旨於中和殿閱祝版畢。毋庸御保和殿。即徧閱耕耜器具及穀種。○又

諭每歲春三月應祭

先農壇行耕耜禮。禮部俱先期將祭祀日期及耕田一應事宜豫行具題。雖屬照例辦理。但國家典禮以實不以文。朕臨御以來兢兢以敬

天勤民為念。

郊壇大祀無不躬親。即耜田親耕亦從未嘗稍憚煩勞。

雖本年壽已七十有五。猶親舉三推之典。惟是春秋已高。或恐步履稍遜。若二三年後。自揣精力如常。偶一舉行。豈非熙朝盛事。至本年甫經親行耕藉。明歲應否躬蒞。自應候朕酌行。乃禮部仍照例具題。竟似每歲俱親詣行禮者然。豈不轉為具文耶。我國家受命延洪。純嘏敷錫。世世子孫。若能皆似朕之敬勤不倦。自可景祚綿長。享國久遠。所用古稀天子之寶。特於乾清宮存貯一分。若我子孫內有享永祚而登上壽者。亦得鈐用此寶。洵為社稷靈長之福。嗣後我子孫繼承奕禩。惟當不懈益勤。凡遇躬親典禮。若年在六

十以內。禮部自應照例具題。年年躬行耕藉之禮。若年逾六十。令禮部先期以親莅。或遣官之處。具本題請。庶鉅典不尚虛文。而展禮益昭誠恪。著為令。所有此次禮部具題一本。即著照此旨改繕進呈。○五十

四年

諭。明歲已屆八旬。嗣後凡遇中祀耕藉。著禮部即於本內奏請遣官行禮。其應否親詣之處。不必聲明請旨。

○嘉慶九年二月二十七日祭

先農壇二十六日恭逢

孝昭仁皇后忌辰前期一日。

仁宗睿皇帝御常服挂朝珠。

升中和殿。

閱視祝版。執事官咸常服朝珠。行禮畢。太常寺官恭捧。

祝版黃案出。

仁宗睿皇帝閱耕藉器具穀種畢。禮部堂官奏禮成。

駕還宮。戶部官捧器具穀種依次出。各安奉綵亭內。和聲署樂設而不作。前導送至耕藉所。○十六年。

諭。

先農壇儀注。改於觀耕臺東南隅。至鋪設校薦處降輿。○又。

諭嗣後

先農壇以內各壇宇。每遇親詣及遣官祭祀之日。俱不准開北街門。擅放車轎馬匹。所有執事陪祀之王大臣官員。均於南街門外下馬步入壇門以內。亦不許支搭帳房。以昭整肅。○二十一年三月初七日。祭先農壇。

仁宗睿皇帝御禮轎自

太歲門進內北天門至

太歲殿西南牆角鋪設梭薦處降輿詣

壇行禮。

謹案降輿處所節省二十一

起所○二十五年祭

先農壇。遣官行禮。○道光五年三月十二日祭。

先農壇。

宣宗成皇帝親詣行禮。○二十一年三月二十六日祭。

先農壇。

宣宗成皇帝御禮輦。自外北天門入內北天門至。

太歲殿西南牆角鋪設椽薦處降輿詣。

壇行禮。

謹案降輿處所
節省七十二

○二十二年祭。

先農壇。

宣宗成皇帝壽逾六旬奉。

旨。本年不親行。○二十三年祭。

先農壇奉

旨。此次不親行。嗣後仍著禮部奏請。○咸豐七年三月

十一日祭

先農壇是日恭逢

孝賢純皇后忌辰

文宗顯皇帝親詣行禮時。御祭服照常作樂。導迎樂設而不作。還宮後仍更素服。○同治元年三月祭

先農壇。遣官行禮。自是年後。每年季春祭

先農壇均奉

旨遣官行禮。○光緒十三年三月二十三日祭

先農壇。

皇帝親詣行禮。

註案十四年十五年均六年十七年均遣官十八年

執行二十

二年均

親行

直省祭

先農壇。雍正四年覆准奉天府尹直省督撫及所屬府州縣衛各於所治地方擇潔淨之地設立先農壇及耜田。自雍正五年為始每歲仲春亥日各率所屬官以及耆老農夫致祭。

先農之神。照九卿耕耜行九推之禮其設立

先農壇並致祭。

先農。皆動支正項錢糧用過數目。各該地方官報明戶部查覈。其耜田內所收米粟。敬謹收存。供各該處祭祀之菜盛。將各處設立耜田畝數。報明戶部存案。○又議准由部每年於十月初一日頒時憲書之後。豫擇次年耕耜吉期奏

聞。行文順天府尹直省督撫。轉飭所屬同日祭

先農禮成。行耕耜禮。仍將遵行日期奏

聞。○五年議准。案春秋正義

先農壇高四尺二寸。方廣五丈。其各省壇制應高二尺一寸。廣二丈五尺。直省

先農神牌典制均照

京師式樣恭造各於耜田後建

先農壇壇後酌建正房三間配房各一間正房中間奉

先農神牌東間存儲祭器農具西間收儲耜田米穀配房東間置辦祭器西間令看守農民居住外圍築土為牆啟門南嚮○又題准祭祀陳設供品照各省祭

社稷之禮用羊一豕一帛一鉶一簋二籩二邊四豆
四主祭陪祭各官均於前期致齋二日祭日具

朝服至

先農壇行禮如祭

社稷之儀○十三年覆准直省致祭

先農大小武職官與文職官一同與祭俾知耕耜鉅
典○又覆准吉林黑龍江二處將軍皆有民社
之任照直省督撫府州縣衛之制建

先農壇致祭由該將軍每歲舉行以重農事○乾隆
二十五年議准嗣後各省耕耜日期咨部存案
毋庸特本具題○又議准玉粒告成題本除順
天府尹耜田告成照舊具題外其東三省及各

省藉穀收成均令咨部毋庸特本具題

饗

先蠶○康熙年間設蠶舍於

豐澤園左○乾隆元年建

先蠶祠於安定門外歲遣太常寺卿一人祭以少牢

○七年改建

先蠶壇於

西苑之東北隅垣周百六十丈南面正門三楹左

右門各一為壇一成方四丈高四尺陛四出各

十級西北為瘞坎壇東為觀桑臺臺前為桑園

臺後為

親饗門內為

親饗殿。每年季春之月。

皇后親饗。

先饗由禮部豫劄欽天監選擇三月吉巳日致祭。具

題請

旨。

皇后親饗。先期致齋二日。恭設齋戒牌銅人於

交泰殿。屆期以太牢饗。

先饗之神。不讀祝文。行三獻禮。飲福受胙。並與

皇帝親饗

先農禮同

妃

嬪公主福晉以下。文官三品武官二品大臣命婦
以上。咸致齋陪祭。女官執事者典儀一人。贊引
二人。傳贊三人。奉香盤一人。奠帛一人。獻爵一
人。奉福酒。接福酒各一人。奉福胙。接福胙各一
人。以上皆各備一人。前引十人。相儀二人。補缺八人。諸事有遺缺者補之。均於宮人內選充。如不敷用。於內府
及八旗命婦能國語者充之。均由內務府遴選

具奏。宮殿監督領侍先期選委內監演禮。其應用祭品及饗

先蠶樂章。均由各該衙門敬謹辦理。並於內監中置蠶宮令一人。丞一人。專司蠶壇繭館諸務。○十一年

諭部議。皇后親蠶典禮。於不親祭之年。照舊制遣太常寺堂官致祭。朕思從前建立蠶祠。未議皇后親蠶之禮。是以照祭祀例遣官。今既舉行皇后親蠶典禮。若遇不親祭之年。自應遣妃一人恭代。以昭誠敬。為是。所有行禮位次及酌定一應儀注。大學士會同各該

衙門妥議具奏。欽此。遵。

旨議定。嗣後每年

皇后親蠶。或遣

妃恭代。禮部照例兩請具題。如遇遣

妃恭代之年。著內務府請

旨。其遣

妃致祭。前期齋戒二日。不進銅人。行禮位次。照

先農壇遣官恭代之例。公主福晉命婦仍陪祀。如儀。

○十四年

諭。皇后親蠶典禮。經朕降旨。若遇不親祭之年。遣妃一

人恭代前因內閣禮部會議冊立皇貴妃禮儀一疏復經降旨冊封典禮於本年三月後舉行其親蠶禮俟正位中宮後該部照例奏請今據禮部奏稱本年三月內先蠶祭期請照例遣妃致祭此於禮意未協夫妃所恭代者代皇后也有皇后則妃可承命行事皇貴妃未經正位中宮則親祭之禮尚不當舉行何得遣妃恭代應照皇帝不親耕藉遣官致祭

先農之例於內務府堂官或禮部太常寺堂官奉宸苑卿內酌遣一人致祭方足以明等威而昭儀制○

是年遣內務府堂官行禮上香由西階升降一

應執事。均用太常寺官。○十五年奏。十六年季春吉巳宜饗。

先蠶。值。

聖駕南巡。尚未。

回鑾。擬遵照。

皇后不行親祭之年。請遣。

妃一人恭代行禮。奉。

旨。皇后行禮後。再遣妃恭代行禮。○十六年。遣內務府堂官行禮。一應禮儀。與十四年同。○十九年題。

三月二十九日致祭。

先蠶壇奉

旨奉

皇太后懿旨。皇后親詣行禮。謹案自是年以後均致祭。○

三十一年題。三月十二日致祭。

先蠶壇奉

旨。遣妃代皇后行禮。謹案自三十二年以後屆期均由內務府奏聞請旨進行。

○嘉慶元年題。三月二十三日致祭。

先蠶壇奉

旨。皇后親詣行禮。○二年奏准。三月十七日祭。

先蠶壇。此次應

貴妃致祭行禮。屆期由內務府奏

聞請

旨。○三年奏准。三月十七日祭

先蠶壇。此次應

皇貴妃致祭行禮。屆期由內務府奏

聞請

旨。○四年祭

先蠶壇。奏請遣王福晉恭代行禮。○七年題。二月二

十八日致祭

先蠶壇。奉

旨。皇后親詣行禮。○八年題。閏二月十六日致祭。

先蠶壇奉

旨。皇后親詣行禮。○九年題。三月初四日致祭。

先蠶壇奉

旨。皇后親詣行禮。○十年奏准。三月初九日致祭。

先蠶壇請

旨遣

妃恭代

皇后行禮。○十一年題。三月初九日致祭。

先蠶壇奉

旨。皇后親詣行禮。

謹案自是年以後每年季春巳日致祭。先蠶壇皆奉。

行親詣禮。

○十四年奏准三月初九日致祭。

先蠶壇請

旨遣

妃恭代

皇后行禮。○十五年題三月初三日致祭。

先蠶壇奉

旨。皇后親詣行禮。

謹案自是年以後致祭皆奉。旨皇后親詣行禮二十

三年以後俱遣官行禮。

○道光元年三月初七日致祭。

先蠶壇奉

旨遣王福晉恭代行禮。二年○三年題三月十二日致

祭

先蠶壇奉

旨皇后親詣行禮。謹案自是年後致祭均遣官行禮○十四年致

祭

先蠶壇奉

旨遣皇貴妃行禮。○十五年題致祭

先蠶壇奉

旨皇后親詣行禮。謹案自是年以後祭旨皇后親詣行禮○

二十年三月十五日致祭

先蠶壇奉

旨。著派內務府大臣行禮。○又奏准遣官致祭

先蠶壇。照遣官致祭

先農壇之例。由西階升降。一應執事。均用太常寺官。

一切事宜。交太常寺辦理。○二十一年三月二

十日致祭

先蠶壇奉

旨。此後著派內務府大臣行禮。毋庸雙請。

謹案自是年以後祭

先蠶壇禮表。請遣官行禮。○咸豐元年三月初六日致祭

先蠶壇奉

旨遣官行禮。

二年同

○三年題。三月初一日致祭。

先蠶壇奉

旨。皇后親詣行禮。

四年同

○五年題。三月初七日致祭。

先蠶壇奉

旨。遣妃行禮。○六年題。三月十二日致祭。

先蠶壇奉

旨。皇后親詣行禮。

七年八年均同

○九年題。三月十一日致祭。

先蠶壇奉

旨。遣妃恭代行禮。是日因恭逢

孝賢純皇后忌辰。改於三月二十三日行禮。○十年題。

三月二十九日致祭

先蠶壇奉

旨。皇后親詣行禮。○十一年題。三月初五日致祭

先蠶壇奉

旨。著派內務府大臣行禮。○同治元年題。三月十一日

致祭

先蠶壇奉

旨。著遣內務府大臣行禮。禮業自是年以後致祭均題請遣內務府大

臣行 ○十二年題。三月初三日致祭

先蠶壇奉

旨遣妃恭代行禮

十三年同

光緒元年題三月初八日致

祭

先蠶壇奉

旨遣內務府大臣行禮

謹案自是年以後致祭先蠶壇均題請遣內務府大

臣行禮○十五年題三月十二日致祭

先蠶壇奉

旨皇后親詣行禮

十六年至二十二年均同

浙江省祭

先蠶○乾隆五十九年

諭吉慶奏浙江省鄉民飼蠶每年在

軒轅黃帝廟祈祀

蠶神。向不官為致祭。隨安設神牌於後殿。率屬致祭。三月下旬。天氣晴和。蠶桑茂育等語。蠶桑本與稼穡並重。浙省杭嘉湖三府。尤比戶飼蠶。以資生業。允宜恭祀。

先蠶。聿昭崇報。著每年官為致祭。載入該省祀典。並御書扁額。發往懸挂。

軒轅黃帝廟及

先蠶後殿以祈

神貺。欽此。遵

旨議准。浙江省城。

軒轅黃帝廟

蠶神。並杭嘉湖屬二十三州縣。

蠶神祠。每年官為致祭。所需祭品。照致祭。

先農壇之例辦理。其致祭日期。查照部頒祭祀日期。
單內致祭。

先蠶吉日。一體遵行。

欽定大清會典事例卷四百四十

禮部

中祀

歲殿

天

神壇
祈禱

三壇

地

祇壇
直省

祭祀

太

神祇

天神壇。○順治初年定建

天神壇於正陽門外

先農壇之南。南嚮。壇北立青白石龕四。均刻雲形為

雲師

雨師

風伯

雷師位。○乾隆二年奏准。

天神壇增修壇壝牆宇。

地祇壇。○順治初年定。建

地祇壇於

天神壇之西北。築壇南立青白石龕五。刻山形者三。
為

五嶽

五鎮

啟運山

積慶山

天柱山

隆業山位刻水形者二。龕內四周鑿池注水為

四海

四瀆位左設石龕二。刻山水形各一為

京畿名山大川位右設石龕二。刻山水形各一為

天下名山大川位。十六年

地祇壇停祭

積慶山。康熙二年封鳳臺山為

昌瑞山。設位

地祇壇。乾隆元年封泰寧山為

永寧山設位

地祇壇。○二年奏准。

地祇壇增修壇壝牆宇。

太歲殿。○順治元年定。每年於正月初旬諏吉。及十
二月歲除。大建於二十九日。小建於二十八日。

遣官致祭

太歲之神。建殿於

先農壇東北正殿祀

太歲。東廡為春秋月將。西廡為夏冬月將。○又定。

太歲神牌。新正用黃紙墨書。照年建干支書某干支。

太歲之神。籠於牌上。南嚮。俟歲除祭畢。同祝帛送燴。
○三十五年

聖祖仁皇帝親征噶爾丹。遣官致祭。

太歲之神。凱旋遣官祇告亦如之。○雍正七年

諭明年祭

先農壇朕詣

太歲殿上香。不必請

神牌。○乾隆十六年覆准各

壇祀神。均有上香之儀。

太歲月將。同屬

天神則升馨求陽。不應與他祭異。况偶逢祈雨致祭。太歲儀節現載。上香應照。

天神

地祇壇例。交工部製造。鑪。鼎。後孟春歲除二祭。遣官致祭。行上香禮。兩廡分獻。太常官亦隨上香。以昭畫一。○十八年奏准。

太歲暨十二月神牌。向安奉。

先農壇神庫。祭時請至殿內。祭畢復還神庫。每遇耕耨之時。

皇帝祭。

先農禮成至

太歲殿上香。例不請。

神牌至殿內。但於拜殿行禮。謹案。

太歲壇有正殿兩廡。與

天神

地祇

先農有壇無殿者。不同。應即於殿廡內安奉

神牌。於神龕前設神座。祭時請

神牌奉安神座。禮成復龕。恭遇

皇帝上香之時。

旨

神牌安奉殿內。惟不請出神龕。庶於禮意允協。奉

太歲月將神牌照所奏安奉

太歲殿及兩廡其

天神

地祇

先農神牌亦不應安奉。配屋著移奉於正屋。○二十

年定祭

太歲殿舊例遣太常寺堂官行禮。嗣後改遣親王郡

王以昭誠敬。○二十一年奏准

太歲殿兩廡分獻舊例太常寺廳員行禮今承祭官
既改遣親王郡王而兩廡分獻仍派廳員於體
制未協嗣後用太常寺堂官分獻

祈禱

三壇○順治初年定歲遇水旱遣官於

天神壇

地祇壇祇告

雲雨風雷之神。

嶽鎮海瀆

陵山京畿天下名山大川之祇祈禱有應則報祭均

奉主於龕。同日致祭。○十四年四月。

世祖章皇帝躬詣

園丘祈雨。遣官致祭。

方澤

社稷

天神

地祇。未還宮。大雨。次三日。告謝。

園丘

方澤

社稷

天神

地祇各遣官一人行禮。○康熙二十九年祈雨遣官

致祭

天神

地祇

太歲之神並於城外四面潔淨處所搭造席棚遣官

致祭

四海之神。○雍正十年

諭天時亢旱著禮部太常寺虔誠祈禱照例禁止屠宰

不理刑名欽此遵

旨於顯佑宮等五廟祈禱未應。又諭著九卿等虔誠祈禱。欽此。遵旨議定。遣官致祭。

天神壇

地祇壇

太歲殿並望祭

四海之神。○乾隆二年

諭。天時亢旱已逾兼旬。現在虔誠祈禱。尚未得沛甘霖。朕心深為憂惕。

天神

地祇壇應竭誠致祭。著禮部太常寺即查明典禮具奏舉行。欽此。遵。

旨議定。照雍正十年之例遣官致祭。

天神

地祇

太歲再於城外四面潔淨處所搭造席棚遣官望祭四海之神。令欽天監選擇吉期遣官致祭。祭文由翰林院撰擬香帛祭品交太常寺備辦。席棚交順天府辦理。分遣大臣七人前期齋戒。竭誠致祭。

○七年奏准

天神

地祇壇增撰樂章。所有應用樂器照例增設。○又議
准孟夏後不雨祈於

天神

地祇

太歲壇次祈於

社稷壇次祈於

太廟皆七日一祈。或小雨不足還於

各壇祈禱如初。雨足報祀已齋未祈而雨。及所曾經
祈禱者皆報祀。其僧道建壇祈雨實非古制。應

即停止。止令僧道官督率僧道在

顯佑宮等五廟虔誠祈禱。禮部遣司官察香。並禁止屠宰不理刑名。又向來祈雨除祭

天神

地祇

太歲各壇外。復於四郊搭蓋席棚。望祭

四海之神。案

嶽鎮海瀆為

地祇是

地祇壇內已有

四海神位不必同日另行望祭。○八年六月

諭近日京師天氣炎蒸。雖有雨澤。並未霑足。若再數日不雨。恐禾苗有損。且人民病暵者多。朕心深為憂惕。著禮部即速虔誠祈禱。欽此遵

旨擇日致祭

天神

地祇

太歲三壇。遣王大臣各一人行禮。○又

諭此次祈禱雨澤。前期一日暨祭期共二日。齋戒禁止屠宰。得雨即不必祈禱。若不雨。應祈禱。

社稷壇前期三日暨祭期共四日齋戒禁止屠宰。○是月祈禱

天神

地祇

太歲三壇。即得雨雪足。照例奏請報祀。前期齋戒。奉旨。此申報致祭。不必禁止屠宰。○九年

諭京師及附近府屬。如天津河間等處。自冬徂春。雨雪稀少。今清明已屆。農事方殷。朕心深為憂惕。宮中默禱。已非一日矣。此時雖未至

雩祭之期。亦當敬謹祈求。以期膏澤早降。著禮部順天

府虔誠祈禱。連議舉行。欽此。遵

旨議定於

關帝廟

城隍廟設壇。擇日禮部同順天府官率僧道各十
二人。先一日薰壇祈禱五日。王以下各官咸致
齋。不理刑名。照常辦事。民間禁止屠宰。九卿輪
赴虔禱。並於

黑龍潭虔誠祭禱五日不雨。又致祭

凝和廟雲神。

時應宮龍神。

宣仁廟風神。

昭顯廟雷神。虔誠祭禱五日仍不雨。齋祈如初。復

分祭

黑龍潭五所得雨。則用牲報謝。如不雨。過行

常雩禮。停祈

關帝廟

城隍廟等處。如

常雩後不雨。即分禱於

天神

地祇

太歲三壇。○是年

常雩屆期

高宗純皇帝由齋宮步至

圜丘行禮

回鑾撤樂仍照七年原議遣官祈禱於

天神

地祇各壇甘霖臺沛乃遣官報祀並於

常雩以前曾經祈禱之

各廟均報祀如儀。○又奏准

天神

地祇壇。向未專設祭器樂器。嗣後增設。以昭誠敬。○

十年奉准祈禱雨澤祭告

各壇。適值夏至大祭。在遞應俟大祭

方澤後。再行祈禱報祀。○四月奉

旨求雨祭

天神

地祇

太歲三壇復祭

社稷壇。得雨報祀。六月又奉

旨求雨祭

天神

地祇

太歲三壇得雨報祀如前。○十七年奏准。

天神

地祇壇本無專祀。惟祈雨則祇告於壇而不奏樂。自

乾隆七年始增設樂章。揆之一應因事祇告之

均不作樂。殊未盡一。至甘雨霑足報祭告

壇僅用酒果脯醢與祈告相同。又於報祭之禮未稱

嗣後各壇告祭停止作樂。至報祭時均加籩豆

牲牢即將

天神

地祇壇樂章用於報祭。○十八年奏准凡祈雨之祭時當待澤孔殷。竭誠致禱。與因事祇告之禮原有所不同。儀文自宜周備。今奉

諭旨。祭禮用樂以導和氣而格神祇。乃事神之禮。與齋戒徹懸自致誠恪其義各異。且樂足以宣通陰陽之氣。祈雨致祭仍用樂為是。欽此。嗣後遇祈雨祭告仍用樂章。○又議奏

太歲殿現在樂章乃新正歲除通用。與祈禱雨澤之義全不相涉。應交樂部別選樂章照

天神

地祇壇皆用豐字。○二十四年以亢暘遣官分禱

天神

地祇

太歲三壇尚未得雨。

高宗純皇帝舉行

大雩禮後甘霖即沛所有

天神

地祇

太歲三壇仍由原派出之玉分往行禮報祀。○三十

二年四月以入夏後雨澤稍稀遂於

天神

地祇

太歲三壇定日祈禱恭值

高宗純皇帝親詣

黑龍潭拈香祈雨即日甘霖大沛四野透足即奏
准停止祈禱仍行報祀禮○三十五年五月以
節屆芒種未沛甘霖曾祈禱於

天神

地祇

太歲三壇

顯佑宮等五廟。雖得有雨澤。尚未透足。仍於

三壇祈禱。因屆夏至大祀

地於

方澤

高宗純皇帝親詣行禮。奏准將

三壇祈禱之處停止。旋於數日內甘霖普降。奏請報

祀

天神

地祇

太歲三壇奉

旨是

地壇亦應敬謹報祀。○四十八年奏准

三壇祈禱向例齋戒二日。但祈雨本無常期而隨時具舉。則其事至重。在承祭大臣固無不齋宿致虔。所有陪祀大小臣工均應在公署齋宿。以致明潔誠敬之意。○五十七年四月以節逾立夏未沛甘霖。遣官分詣

天神

地祇

太歲三壇虔誠致祭。越七日未雨。復奏准令原派出之玉。仍致祭。

三壇祈禱。得雨未足。奉

旨。派皇子分詣。

三壇虔誠祈禱。○閏四月二十八日。以恆賜示。做

三壇禮竣。未沛甘霖。

高宗純皇帝召見

皇子

皇孫及大學士九卿等。交相咨做。並

命大學士九卿等。傳集科道公同諮議。是日酉刻大雨。

越日得雨霑足。奏請擇日。令原派出承祭之。
皇子分往報祀。

三壇奉

旨是。○嘉慶二年四月。以立夏後未得透雨。致祭。

天神

地祇

太歲三壇祈禱。越七日。復奏准令原派出之。玉致祭。
三壇嗣奉。

旨。於五月初十日親詣。

天神壇致祭。欽此。初八日雨澤優霑。即於初九日。

親詣

天神壇報祀

地祇壇

太歲壇遣王行禮。○五年四月以雨澤愆期祈禱於

天神

地祇

太歲三壇旋經

仁宗睿皇帝步詣

社稷壇虔禱甘霖渥沛又

親詣

社稷壇行禮報祀

天神

地祇

太歲三壇即今原派出之玉分詣致祭。○八年四月

奏准本年

常雩後雖兩次得有雨澤土脈田苗均見滋潤但恐尚有未甚霑足之處應照例於

天神

地祇

太歲三壇虔誠致祭其

顯佑宮等五廟照例令僧道等虔誠誦經。○十九日派王致祭。

三壇祈禱雨澤。即於是日得雨。尚未霑足。二十二日。仁宗睿皇帝親詣。

黑龍潭拈香。即日甘霖大沛。四野均霑。照例令原派出之承祭各王分往。

三壇行報祀禮。○九年五月初八日敬禱。

三壇祈求雨澤。分派諸王行禮。初九日甘霖渥沛。即於十三日行報祀禮。○十年六月十八日派王

分詣。

三壇祈禱雨澤。是日戌刻大沛甘霖。入土深透。即令原派出之承祭各王分詣。

三壇虔誠祀謝。○十二年四月。以初七日。

常雩大祀後。尚未普沛甘霖。禮部奏請十六日於。

三壇虔誠額禱。○四月二十八日。

仁宗睿皇帝親詣。

黑龍潭祈雨。仍令原派之親王等分詣。

三壇虔禱。文武衙門各大臣俱推班一日。分赴。

三壇敬謹陪祀。○十月特舉。

三壇祈雪祀典。○十三年正月。雪澤醲敷。

仁宗睿皇帝於十四日恭祀

祈年殿禮成後派王分詣

三壇虔誠祀謝。○四月舉行

常雩祀典後雖得陣雨尚未深透二十八日派王分詣
三壇虔誠祈禱並先期齋戒一日文武大臣除

內廷行走及直日奏事帶領引見各員外俱分詣
陪祀即日大沛甘霖仍令原派王分詣

三壇虔誠祀謝文武大臣仍分詣陪祀。○十六年四
月

諭京師上年冬間得雪本少自交春令後雨澤復稀農

田甚殷望澤前經降旨

在黑龍潭山高水長二處設壇派阿哥等分班祈禱迨十六日復派二阿哥儀親王成親王祈祀

三壇今又逾數日閒得微雨飄灑不成分寸屢見重陰布漫風勢特作未能釀沛甘膏現在麥秋已逾正當大田布種之後殊深殷盼茲朕於本月二十四日親祀

天神壇虔申叩禱先期於二十三日進宮齋戒其地祇壇派二阿哥

太歲壇派三阿哥著於二十三日隨朕進宮在上書

房齋戒次日隨朕詣

壇叩禱所有

三壇祝文著仍撰一篇派員同時跪祝用申祇告所有朕此次親祭各事宜著該衙門敬謹豫備○五月

初七日

諭朕昨親祀

三壇虔申祈禱並於恭祀

方澤時默額

鴻貺速沛甘膏連日雖微雨飄灑仍入土不成分寸朕於初九日進宮齋戒初十日寅刻再親祀

天神壇其

地祇壇仍派二阿哥行禮

太歲壇仍派三阿哥行禮。著於初九日隨朕進宮。在上書房齋戒。○十八年四月以雨澤愆期

仁宗睿皇帝親詣

天神壇祈禱。○二十二年五月以雨澤愆期

仁宗睿皇帝親詣

天神壇祈禱。得雨後

親詣報祀並

親撰祝文其

地祇壇

太歲壇俱各派王分詣行禮

二十三年均同

○二十四

年閏四月

諭嗣後遇恭祀

天神壇祈雨仍在三座門外降輿步入禮成後仍在降輿處升輿還宮若遇

天神壇謝雨乘輿進三座門在內層門外甬路西邊鋪設椽薦處降輿禮成後即在原處升輿出三座門著為令。○道光十一年五月以雨澤愆期

宣宗成皇帝親詣

天神壇叩禱。並派王分詣。

地祇壇

太歲壇行禮。旋得雨深透。復

親詣

天神壇報謝。仍派王分詣。

地祇壇

太歲壇行禮。○十二年五月。以甘霖未沛。

宣宗成皇帝親詣

天神壇祈禱。

地祇壇

太歲壇俱各派王分詣行禮。○十六年五月。以農田待澤甚殷。

宣宗成皇帝親詣

天神壇祈禱。得雨後

親詣報謝其

地祇壇

太歲壇俱各派王分詣行禮。○咸豐四年五月。以雨澤稀少。派王分詣

三壇虔禱。○又以節逾芒種。未沛甘霖。十九日

文宗顯皇帝親詣

天神壇祈禱派王分詣

地祇壇

太歲壇恭祀是日得雨酣足仍分詣敬謹報謝○十
二月以祥霽未沛十四日

文宗顯皇帝親詣

天神壇叩禱派王分詣

地祇壇

太歲壇恭祀致祭時執事人等照祈雨服色俱穿青
褂禮畢仍用常服○六年十二月

文宗顯皇帝親詣

天神壇祈雪。派王貝勒分詣。

地祇壇

太歲壇恭祀。○九年十二月十二日。

文宗顯皇帝親詣

大高殿

時應宮祈雪。派王分詣。

三壇恭祀。○同治二年五月。派王分詣。

三壇祈雨。得雨後。仍分詣報謝。○五年五月。

穆宗毅皇帝親詣

大高殿祈雨。派王分詣。

三壇恭祀○十二月

穆宗毅皇帝親詣

大高殿祈雪派王分詣

三壇恭祀○六年五月

穆宗毅皇帝親詣

大高殿祈雨派王分詣

三壇恭祀○光緒元年五月派王分詣

三壇祈雨得雨後仍令原派王分詣祀謝○二年五

月以雨澤未霑

皇帝親詣

大高殿

時應宮

昭顯廟等處拈香。派王分詣

三壇祈禱。○閏五月。以天時亢旱。

皇帝親詣

大高殿祈雨。並派王分詣

三壇恭祀。○四年二月。

皇帝親詣

大高殿祈雨。並派王分詣

三壇恭祀。洎三月十五十八等日。甘霖疊沛。派王分

詣

王壇敬謹報謝。○六年十二月

皇帝親詣

大高殿祈雪。派王分詣

三壇恭祀。○七年十二月

皇帝親詣

大高殿祈雪。派王分詣

三壇恭祀。○八年正月。以祥雲渥沛。

皇帝親詣

大高殿拈香。派王分詣

三壇報謝

直省祭祀

神祇○順治初年定直省府州縣咸建

神祇壇有司歲以春秋仲月致祭○雍正三年議准

直省府州縣

神祇壇設

雲雨風雷位於中設

山川位於左稱某府州縣境內山川之神設

城隍位於右稱某府州縣城隍之神中陳帛四左

帛二右帛一各爵三共羊一豕一鉶二簋二簋

二。遵四豆四尊。一。承祭官先期致齋二日。屆期朝服行禮。儀與祭。

社稷壇禮同。○乾隆七年覆准。直省祈禱雨澤。各督撫轉飭所屬府州縣。皆於孟夏擇日行常雩禮。行禮之地。即於各處舊設壇壝內致祭。不必別立雩壇。承祭各官。先期齋戒。其陳設禮儀。均與祭。

神祇壇禮同。○八年頒發各省。

神祇壇祝文。